



Novitads dalla suprastonza communal

Dissoluziun dil cumin Lumnezia

Cun la fin digl onn 2015 vegnan ils cumins sligai. La facultad va en quei connex allas vischnauncas. Il cumin Lumnezia fuorman la vischnaunca da Lumnezia e la vischnaunca da Val.

Pro Val Lumnezia

La Pro Val Lumnezia ei in'instituziun dil cumin Lumnezia. La suprastonza communal ha priu ina decisiun da principi da sustener vinavon la Pro Val Lumnezia. Denton duei l'instituziun vegin midada en in'uniu ed esser aviarta per in e scadin. La relaziun futura denter l'uniun e la vischnaunca duei succeder en fuorma d'ina cunvegna da prestaziun. La vischnaunca resalva il dretg sin in respresentant ella suprastonza dall'uniun.

Conferenza dils presidents dalla Regiun Surselva

Il vicepresident, Martin Capaul, ei vegnius nominaus sco representant ella conferenza dils presidents dalla Regiun Surselva.

Spital regiunal Surselva

La suprastonza communal ha nominau ils consuprastonts Elisabeth Lorez sco delegada e Ronnie Caminada sco substitut dalla delegada ella corporaziun da vischnauncas SanaSurselva.

Cunvegna da prestaziun denter la vischnaunca Lumnezia e Surselva Tourismus AG

Sebasond sin la nova lescha davart las taxas da hosps e taxas turisticas ha la suprastonza communal approbau la cunvegna da prestaziun denter la vischnaunca Lumnezia e Surselva Tourismus AG per in onn. En quella ein la repartiziun dils pensums e la finanziaziun dils cuosts per las prestaziuns turisticas en Lumnezia regladas.

Plan d'investiziun 2015 dalla Societad Ovra electrica Lumbrein

La suprastonza communal ha approbau il quen dallas investiziuns previdas dalla SOEL per igl implant hydraulic a Schanaus Sut. La finanziaziun succeda sur las reservas per renovaziuns.

Program da lavur revier forestal

Il program da lavur dil revier forestal per 2015 ei vegnius approbaus dalla suprastonza communal. Quel preveda tgira d'uaul sin 1008 aras e tagls da lenna da 2'350 m³. Leutier vegn quintau cun tagls sfurzai da 1'700 m³. Cunquei che la situaziun sin fiera ei difficile, ei il tagl da lenna tenor il plan da menaschi pigl uaul vegnius reducias per circa la mesedad.

Punt da lenn a Silgin

La suprastonza communal vul instradar la sanaziun dalla punt da lenn a Silgin e vegn a proponer alla radunanza communal d'approbar il project e da conceder il credit necessari.